

ქ. თბილისის ადმინისტრაციულ საზღვრებში ვიდეო დაკვირვების კამერებისათვის ელ. კაბელების გაყვანის (შემენა-მონტაჟი-დემონტაჟი თანამდევით მომსახურებით), დგარების მონტაჟის სამუშაოების ტექნიკური დავალება

კაბელის გაყვანა

1. ელექტროენერგიის მისაწოდებლად გამოყენებული უნდა იქნას თვითმზიდი საჰაერო კაბელი ან მიწისქვეშა საკაბელო გაყვანილობა.
2. კაბელების გაყვანა უნდა მოხდეს სს “თელასის“ მიერ გაცემული ტექნიკური პირობის საფუძველზე.
3. სამუშაოები უნდა განხორციელდეს „ПУЭ“ წესების დაცვით.
4. ყველა შეერთება უნდა განხორციელდეს მოქმედი სტანდარტებისა და სპეციფიკაციების შესაბამისად.
5. დაუშვებელია კაბელების გადაბმა.
6. კაბელის ჩამკეტები არ უნდა იყოს ისე მჭიდრო, რომ გამოიწვიოს იზოლაციის დაზიანება.
7. არ უნდა იქნას გამოყენებული წებოვანი ფუნდამენტი სადენის დაბოლოებების და კაბელების დასამაგრებლად.
8. დაცული უნდა იქნას სადენების იზოლაციის მთლიანობა.
9. სადენის ნიშნები არ უნდა იყოს ლითონის და უნდა ეწინააღმდეგებოდეს სტანდარტულ საზეთებს და საწმენდი საშუალებების გამხსნელებს.

საერთო პირობები

1. მომსახურების გაწევის ვადა: ხელშეკრულების გაფორმებიდან 2021 წლის 20 დეკემბრამდე, ეტაპობრივად, შემსყიდველის დავალების შესაბამისად.
2. მიმწოდებელს ჩასატარებელი სამუშაოს კონკრეტული მისამართი, ვადები, შესასრულებელი სამუშაოების დასახელება ან/და დეტალური აქტი გადაეცემა წერილობით;
3. თუ კი სამუშაოების უსაფრთხო წარმოებისთვის საჭიროა შესაბამის სამსახურებთან შეთანხმებული უსაფრთხოების სქემით სამუშაოების წარმოება, მიმწოდებელი ვალდებულია შეადგინოს საგზაო მოძრაობის ორგანიზების სქემა, შეთანხმოს და შემდეგ სრულად დაიცვას შეთანხმებული სქემით განსაზღვრული პერიმეტრი შესაბამისი საგზაო მოძრაობის ორგანიზების ტექნიკური საშუალებებით, წინააღმდეგ შემთხვევაში მიმწოდებელს დაეკისრება საჯარიმო სანქცია.
4. სამუშაოს სპეციფიკიდან გამომდინარე შემსყიდველი არ იღებს ვალდებულებას ხელშეკრულებით გათვალისწინებული სამუშაოების მოქმედების ვადაში ხარჯთაღრიცხვით გათვალისწინებული სამუშაოების მოცულობების სრულად დაკვეთის შესახებ.
5. შემსყიდველი უფლებამოსილია სამუშაოების მიმდინარეობის ნებისმიერ ეტაპზე განახორციელოს ხარჯთაღრიცხვით გათვალისწინებული სამუშაოების მოცულობების კორექტირება.
6. მიმწოდებელი ვალდებულია საჭიროების შემთხვევაში ობიექტზე სამუშაოები აწარმოოს 24 საათიან რეჟიმში.
7. მიმწოდებელი ვალდებულია სამუშაოები დაიწყოს და დაასრულოს წერილობითი დავალებით განსაზღვრულ ვადაში.

8. იმ შემთხვევაში, თუ შესრულებული სამუშაო ან მისი ნაწილი არ აკმაყოფილებს ხელშეკრულებით გათვალისწინებულ მოთხოვნებს, შემსყიდველი ან/და მისი უფლებამოსილი პირი აცნობებს მიმწოდებელს შემოწმების შედეგებს დაწუნებული სამუშაოს მოცულობისა და წუნდების მიზეზის მითითებით. შემსყიდველი უფლებამოსილია, საკუთარი შეხედულებისამებრ განუსაზღვროს მიმწოდებელს გონივრული ვადა არაუმეტეს 7 (შვიდი) დღისა, დაწუნებული სამუშაოს გამოსწორების მიზნით. წერილობით განსაზღვრული ხარვეზის აღმოფხვრის გონივრული ვადის დარღვევის შემთხვევაში მიმწოდებელს დაეკისრება პირგასამტეხლო.

9. ხელშეკრულებით გათვალისწინებული სამუშაოების მიწოდების ვადის დარღვევის შემთხვევაში, მიმწოდებელს დაეკისრება პირგასამტეხლო.

10. მიმწოდებელი ვალდებულია სამუშაოების შესრულებისას წარმოქმნილი ნარჩენები (ინერტული) გაიტანოს ნაგავსაყრელზე.

11. სამუშაოთა დასრულების შემდეგ, მიმწოდებელი ვალდებულია თავისი ძალებით და სახსრებით დაუყონებლივ გაათავისუფლოს სამუშაო ადგილი მანქანა-მექანიზმებისაგან, მოწყობილობა-დანადგარებისაგან, მასალებისაგან და ა.შ.

12. სამუშაო ადგილის ფარგლებში უზრუნველყოს გარემოზე ეკოლოგიური ზემოქმედების მინიმუმამდე დაყვანა;

13. მინიმუმამდე დაიყვანოს მუშაოებით გამოწვეული ხმაურის, ვიბრაციის და მტვრის გავლენა;

14. მიმწოდებელმა ობიექტზე თვალსაჩინო ადგილას, მყარ კონსტრუქციაზე (დგარი) უნდა განათავსოს მინიმუმ 1 ცალი საინფორმაციო დაფა ზომით 200სმ X 150სმ, (BPG-ფორმატში, შრიფტი-მრგვლოვანი 2009/2010) შემსყიდველის მიერ წარმოდგენილი თანდართული ესკიზის შესაბამისად, დამკვეთთან შეთანხმებით.

15. დგარის (ლითონის კონსტრუქცია) ზედაპირი უნდა გასუფთავდეს ცხიმისა და მტვრისგან, დაიგრუნტოს ანტიკოროზიული 2-კომპონენტური საღებავით და შემდეგ შეიღებოს 2 პირად ლითონის შავი ფერის საღებავით.

16. შესრულებული სამუშაოს ხარისხის საგარანტიო ვადად განისაზღვროს საბოლოო მიღება-ჩაბარების აქტის გაფორმებიდან 1 (ერთი) წელი.

17. შემსყიდველი უფლებამოსილია სამუშაოების მიმდინარეობის ნებისმიერ ეტაპზე განახროციელოს სამუშაო პროცესის ზედამხედველობა.

18. სამუშაოების შესრულების ადგილია: ქ.თბილისის მუნიციპალიტეტი.

19. პრეტენდენტს 2016 წლის 1 იანვრიდან უნდა გააჩნდეს არანაკლებ 50 000 ლარის ღირებულების ანალოგიური/მსგავსი ელექტრო კაბელის მიწოდება-მონტაჟის სამუშაოების გამოცდილება, (წარმოდგენილი იქნას დამადასტურებელი დოკუმენტაცია – ხელშეკრულებ(ებ)ი, მიღება-ჩაბარების აქტ(ებ)ი (ფორმა - 2))

20. მიმწოდებელი ვალდებულია წარმოადგინოს სსიპ ლევან სამხარაულის სახელობის სასამართლო ექსპერტიზის ეროვნული ბიუროს ან სხვა აკრედიტირებული პირის მიერ გაცემული დადებითი საექსპერტო დასკვნა, რომელიც უნდა შეიცავდეს როგორც დასკვნას, შესრულებული სამუშაოების მოცულობების შესახებ, ხილულ და ფარულ სამუშაოებზე ასევე, მოწოდებული საქონლის შედარებას მოთხოვნილ ტექნიკურ პირობებთან. მიღება-ჩაბარების აქტი გაფორმდება დადებითი დასკვნის შემთხვევაში.